

LUGLIU 2022

CANDIDATURA DI BASTIA- CORSICA A U LABELLU DI CAPITALE EUROPEA DI A CULTURA

**Bastia-Corsica 2028
in mossa pè un avvene
europèu ancuratu in
mediterraneu è aldilà**



In mossa versu a candidatura
Bastia-Corsica 2028



bastia corsica 2028

capitale
européenne
de la **culture**

A Città di Bastia hè candidata di modu ufficiale dipoi u mese di ottobre 2021 à u labellu di Capitale Europea di a Cultura per u 2028 cù a vulintà di sparte issa candidatura à a Corsica sana : cusì hè nata **Bastia-Corsica 2028**. Cusì fù iniziata a prima tappa di u prucessu di u custituzione di u cartulare di candidatura chì averà da esse rimessu u 1^u di dicembre di u 2022, per una preselezione à u primu semestru 2023 è una decisione finale data da un cumitatu di sperti europeu resa pùblica à a fine di u 2023, cusì seranu designate e duie città laureate : una in Francia è una in Repubblica Cecca. Issa andatura s'ammanta di **una primura strategica per a Corsica sana**.

Un abbrivu maiò s'hè fattu intornu à Bastia-Corsica 2028, chì si scrive inde una vulintà pulitica forte di l'eletti di a **Città di Bastia** è di a **Cumitatu d'agglomerazione di Bastia**, di **a Cullettività di Corsica** è di **l'Università di Corsica**, in leia cù i partenari culturali, suciali, ecunòmichi è ambientali, per purtà un prugettu glubale di sviluppu chì l'arte è a cultura ci sò da puntellu per e so virtù educative è di cimentu suciale, d'apertura à u mondu è di attrattività ecunòmica. Per a Città è per a Corsica ghjè un'occasione unica **di presentassi à u mondu** è di mette in risaltu **e specificità isulane**.

Un'udissea culetativa

L'Associu Bastia-Corsica 2028 hè statu creatu u 1^u dicembre 2021. Incaricatu di mette in ballu a candidatura purtatu da u so Presidente, dinù Merre di Bastia, Pierre Savelli, di u Cummissariu generale, Pierre Lungheretti, in leia cù a capiprugettu, Muriel Peretti. Un manifestu di sustegnu à a candidatura hè statu firmatu oghje da più di 2500 persone chì a maggiurità hè cumposta da eletti isulani, d'ogni tendenza pulitica, è da parecchje persunalità di u mondu di l'arti è di e lettere.

Porta sviluppu ecunòmicu, cuesione suciale è di irradiamentu, a candidatura offre un'opportunità d'riflessione culetativa atta à rinforzà a pertinenza di a pulitica culturale di u locu è di e so sinergie cun d'altre pulitiche pùbliche.

Bastia-Corsica 2028 porta in core di mette in risaltu sugetti diversi, temàtichi è ogettivi. Ghjè à traversu à a so Fabrica di u prugettu un'udissea culetativa chì porta a candidatura, chì Bastia-Corsica hà l'ambizione di un prugettu innuvante d'avvene è arrebatu à valori di cunniscenza, d'apertura europeu è internaziunale.

L'attelli di a Fàbrica di u prugettu, un abbrivu durèvule per un sviluppu isulanu è europeu

Porghje sviluppu è mantenimentu di u patrimoniu naturale, culturale è custruitu, ghj'hè ciò ch'ella vole incalcà a Fàbrica di u prugettu Bastia-Corsica 2028. L'attellu « Esse vivi : patrimoniu naturale è creazione artistica », capitanatu da Fabien Danesi, direttore di u FRAC Corsica, permette di investiscesi per u sviluppu naturale è culturale di l'isula. Un raportu à a terra chì crea dinù ligami umani è suciali, spigulati à l'occasione di l'attellu « Piglià a so parte : articultura è inclusione suciale », capitanatu da Yolaine Lacolonge, capiserviziu educazione artistica è culturale à a Culetività di Corsica è Delphine Ramos, direttrice di l'Affari culturali di a Cità di Bastia. U fattu si stà chì a leia trà di e generazioni è trà i spazii sò impurtanti, l'attellu « I nostri comuni : lascite è memorie, trà migrazione è diaspora », capitanatu da Marion Trannoy, Capimissione Citatella di Corti – Citadella XXI, Direzione di u Patrimoniu, cù Sylvain Gregori, direttore di u Museu di Bastia, chì permette di questunà u raportu trà isulanità è cuntinente, trà di

l'internu è u fora. L'emulazione linguistica hè dinù in core à u prugettu, cù l'attellu « Lingue vive, rapresentazione è leia suciale : u plurilinguismu capitanatu da Alain di Meglio, vicepresidente l'Università di Corsica è Muriel Poli, maestra di cunferenze in Lettere è lingua à l'Università di Corsi. A nuzione di plurilinguismu hè interessante assai in un cuntestu eurupeu, da studià è splurà a storia è l'impronte diverse di e lingue europee. Ghjè tandu, sottu à u tèrmine d'identità ch'ellu si pò adunì sfarenti ogettivi è azzione à purtà, cum'ellu u c'insegna l'attellu capitanatu da Marie-Jeanne Nicoli, presidente di u Cunsigliu Ecuròmicu, Culturale è Ambientale di Corsica, Françoise Graziani, profussore unuraria à l'Università di Corsica, è Liza Terrazoni-Casale, suciòluga, antropòluga, squatra mediterranea di ricerca ghjuridica - Università di Corsica, dinù amministratrice di u Teatru di u Cumunu : « Identità è valori in Corsica in core di l'inseme eurupeu » ; un'identità corsa chì a si face valè inde un dinamismu eurupeu, trà mantenimentu di u so patrimoniu naturale, creazione di ligami suciali è intergenerazionali è questione di identità.

Una candidatura dinamica chì cuncoglie l'inseme di a sucetà civile

Bastia-Corsica 2028 hè un veru movimentu curale versu l'Europa, impegnendu l'inseme di a sucetà civile. Di fatti, un **cumitatu di mecenii è di i partenarii** hè statu creatu da inghjennà l'impegnu di u tessutu ecuròmicu isulanu, di a diaspora è di l'attori for di Corsica chì si vòlenu impegnà à prò di a candidatura. **Un cunsigliu scintificu è culturale** cumpostu da personalità di u mondu culturale, di u mondu accadèmicu è di a ricerca, di Corsica è d'Europa, si forma.

Uoperazione di mubilizzazione di a pupulazione sò previste, seminarii europei chì permettenu à a Corsica puru di presentassi à u fora. Ghjè appuntu a candidatura di una Corsica cun parechje impronte linguistiche è culturale chì vene purtata, studiendu è presentendu u **soffiu eurupeu** chì solca à Corsica dipoi ch'ella hè Corsica sinu à oghje.

Dopu à una restituzione pùblica di auturnu 2022, Bastia-Corsica 2028 serà torna è sempre « in mossa versu a candidatura », per mette in valore u patrimoniu di a cità è di l'isula, lochi vivi en di navigazione culturale è eurupea.

Presentà Bastia-Corsica 2028 à u labellu di « Capitale Eurupea di a Cultura » ghje mette in rialzu l'inseme di l'impronte europee chì l'animèghjanu.



**bastia
corsica
2028** capitale européenne
de la **culture**

www.bastiacorsica2028.eu

Cuntattu

BC2028@bastia.corsica

